

Image not found

<https://letteraturaeuropea.let.uniroma1.it/sites/all/themes/business/logo.png>

Lirica Medievale Romanza

Published on *Lirica Medievale Romanza* (<https://letteraturaeuropea.let.uniroma1.it>)

Home > BERTRAN DE BORN > EDIZIONE > Be·m platz lo gais temps de pascor > Tradizione
manoscritta > Canzoniere K > Edizione diplomatica

Edizione diplomatica

Bertrams de born.

B

Em platz lo douz temp de pascor. Qe fai
foillas eflors uenir. Eplatz me qan uei
la baldor. Dels auzels que fan retentir lor
chan per lo boscage. Emplatz qand uei sobreles
platz. Tendras epauillos fermatz. Et ai gra(n)t ale-
grage. Qand uei per campaigna rengatz. Ca-
uailers ecauals armatz.

E

platz mi qan li corredor. fan las gens elau(er)
fugir. E platz me qan uei apres lor. Gran ren
darmatz ensems uenir. E platz me mont en mo(n)
corage. Qan uei fortz castels aseiatz. El baritoz
es esfondratz. E uei lost el riuage. Ques tot
entorn clau de fossatz. Ab lichas de fortz pals
seiatz.

E

t autrassim platz de seignor. Qua(n)t es pre-
miers alenuair. En caual armat ses temor.
Caissi fai los sieus enardir. Aualen uasalat-
ge. Epueis quel estors es mesclatz. Chascu(n)s
deu esser acesmatz. Es agrei dagradage. Que
nuls hom no(n) es ren prezatz. Tro qa mai(n)s co-
lps pres edonatz.

L

assas ebrans elms de col[or]. Escutz trancar e
descarnir. Veirem alenrar del estor. Em(i)n z
vasals ensems ferir. Don anarar arage. Ca-
uals dels mortz edels naffratz. Equan sere(n)
enlestor intratz. Cascus hom de parage. No(n)
pens mas dasclar caps e bratz. Que mais ual
mors que uius sobratz.

I

eus dic que tant noma sabor. Maniars
ni beure ni dormir. Coma qand aug cri-
dar alor. Dambas las partz et aug enguir.
Cavals uoiz per lerbage. Et aug cridar aiaz
aiaz. Euei cazer per los fossatz. paucs egrans per
lombatge. Euei los mortz que pels costatz. Allos
penons ab los cendatz.

B

aron metez en gatge. Castel<la>s ouillas oci
utatz. Enans cus qecs nos guerreiatz.

- letto 139 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-3601>